

Fakahoa Patino mo Akoakoga ke hapoti ai na fanau i loto o na akoga (LSC's)

Fakamatalaga mo matua, matua tauhi,
Kaiga ma Kaukaiga

Ko na Fakahoa Patino mo Akoakoga e fehoahoani ki fanau akoga ke vave maua ai e ki latou te fehoahoaniga pito hili ona lelei ma fakafaigofie mo kaiga ke malamalama ma maua ni hapoti i te akoga.

Mai i te 2028, ko na hitete uma ma na akoga i loto o na hitete ie e iei a latou fanau akoga mai te tauhaga 1 ki te 8 ka maua ni o latou avanoa ke fakaoga he LSC. Ko te iei o ni Fakahoa Patino mo Akoga i akoga uma ie e iei ai ni fanau akoga mai te Tauhaga 1 ki te 8 e maua mai ai ni fehoahoaniga patino tafapili ki na tamaiti akoga ie e ki latou manakomia lahi.



Ko na Fakahoa Patino mo Akoga e galulue ma na tamaiti ma o latou kaiga

Ko te LSC ko he tinofaigaluega fakamaoni i loto o te akoga a tau fanau, te e fehoahoani ki te vave fakamteagia o na manakoga, fatu ni auala, ma maua fehoahoani vena ma fehokotaki ki matua ma na matua tauhi vena ma na tino fakapitoa.

E galulue fakatahi ma na faiakoga, fanau akoga, ma ietahi tautuaga, e aofia ai na fehoahoaniga a na kauhaga a te Mataeke, ke fakamautinoa ai ko tamaiti akoga e maua totoka te fehoahoaniga e manakomia mo te latou holoholo manuia.

Ko te avanoa o te LSC fou ka fehoahoani ai ki fanau akoga ke lahi te maua ni avanoa maualuluga, e totoka faka-lotoifale ke fehoahoani ai kia te kilatou.

E maua vefea na fehoahoaniga

Ko fanau akoga uma e ati o latou iloa fua ki te latou vave piki, kae ietahi taimi ko matua ma na matua tauhi e ono iei ni a latou fakafehili agai ki na akoga a latou fanau. Kafai e iei ni o popolega, talanoa ki te faiakoga o tau fanau pe ko te puleakoga ko he koga ia ke kamata ai.

E ki latou mafaia oi talanoa atu kia te koe agai ki ni popolega e ono nofo ma koe agai ki tau fanau ma pe maua vefea na fehoahoaniga e ono manakomia e ki latou, e aofia ai ke fekotaki koe ki he LSC a te akoga.

Ni iētahi fakamatalaga

- › Fakahoa Patino mo Akoakoga i na akoga, [education.govt.nz/lsc](https://www.education.govt.nz/lsc)
- › Fehoahoaniga tau akoakoga mo tau fanau kafai e hifi ki hetahi akoga, [education.govt.nz/parents-and-caregivers/early-learning/learning-support/continuing-learning-support-when-your-child-moves-school](https://www.education.govt.nz/parents-and-caregivers/early-learning/learning-support/continuing-learning-support-when-your-child-moves-school).
- › Kafai koe e popole ki na akoga a tau fanau, [education.govt.nz/parents-and-caregivers/early-learning/learning-support/if-you-are-worried-about-your-childs-learning](https://www.education.govt.nz/parents-and-caregivers/early-learning/learning-support/if-you-are-worried-about-your-childs-learning).
- › Paketi 2025 fakafanoga heleni mo Fehoahoaniga tau Akoakoga, [education.govt.nz/our-work/publications/corporate-documents/budget-2025/learning-support](https://www.education.govt.nz/our-work/publications/corporate-documents/budget-2025/learning-support).



Fakafehili ma na Tali

E fehoahoani vefea te Fakahoa Patino mo Akoakoga (LSC) ki taku fanau?

E fakafaigofie e na LSCs mo na akoga ke tautali ki na manakoga tau akoakoga. E fehoahoani ki faiakoga ke maua ni hapoti, galulue ma na kauhaga fakapitoa ve ko na tino fakapitoa mo te tautala totoka pe ko na fomai o te mafaufau, kae ke famautinoa ai ko na manakoga o tau fanau e kilia ma e tautalia.

E galulue fakatahi te LSC ma taku fanau i te potu akoga?

Ko na LSCs e galulue fakatahi ma tau fanau i te potu akoga ma to na faiakoga, ma e galulue fakatahi ma na fanau akoga ke taukikila, fakamaina ma fakamatea na fehoahoaniga e manakomia.

E mafai e te LSC oi takutino mai pe nia na manakoga tau akoakoga e manakomia e taku fanau?

Ko na LSCs e fehoahoani ke famatea na popolega ma galulue fakatahi ma koe, te faiakoga o tau fanau vena ma ietahi kauhaga fakapitoa ke fakamautinoa ai ko tau fanau e maua gofie e ia na fehoahoaniga totoka i te taimi e tatau ai. E he fakamatea e ki latou na fakafitauli tau te akoakoga pe ko te atiakega. E iei na taimi e mafai ai te LSC ke hikitia tau fanau ki hetahi itukaiga tino fakapitoa (specialist), ve ko na tino fakapitoa mo te mafaufau pe ko te tautala, kae e ftoa mafai ke fakatino na vaega ienei kafai e talia e koe.

E mafai ke talohaga au ki ni fehoahoaniga fakapitoa mo taku fanau?

Io, e mafai e na matua ma matua tauhi oi fakataumuna mo ni fehoahoaniga pe tuku mai ni popolega agai ki a latou fanau ki te faiakoga, puleakoga, pe ko te LSC a te akoga. E tatau ke iei he fakamatea aloakia.

Kafai e manakomia e koe ni ietahi fakahinoga agai ki na fehoahoaniga e maua e tau fanau, e mafai foki koe ke fehokotaki ki te Kauhaga a te Mataeke o Akoakoga. E mafai ke maua na fakamatalaga mo te fehokotakiga ki na ofiha a te Mataeke i te [education.govt.nz/our-work/about-us/contact-us/regional-offices](https://www.education.govt.nz/our-work/about-us/contact-us/regional-offices).

E vefea he huiga kafai e iei he LSC i te akoga a taku fanau?

Ko te vave tautali ki na manakoga o na fanau akoga ke hikitia ai te auai o fanau ki na akoga ma holoholo lelei na taumafaiga, ma fakaititia ai te fakailoga lanu i na akoakoga, koga galue, ma ho he vaega o te olaga. Ko te fakatupega mo na LSC e patino tonu ki te fehoahoani ki faiakoga ma na kauhaga fakapitoa ke fakamatea gofie na manakoga i he taimi vave i te olaga o te fanau akoga.